

雲南通志

第十六册

二十三卷

地 350
32
216



雲南通志卷之第二十三

列女



人賦天地之正氣而生綱常之重男與女均有責焉然世所稱丈夫當大故而敗其生平者衆矣又何論遐陬之中輟乎乃滇志所傳靖節捐生矢志雪耻為鬚眉男子所不逮者若鐵釧繡旗至今猶凜凜有生氣也嗟乎綠筠芳蒨固不擇地而生然臣願為良婦亦豈願以節烈著彼其艱難輒軻已為人生不幸之遭儻任其湮沒

雲南通志

卷之二十三

列女

一

雲南府

晉

李秀

寧州刺史李毅女時寧州頻歲饑疫五苓彝反圍州城其父病卒人以秀明達

有父風推領州事秀獎勵戰士嬰城固守城中糧盡炙鼠拔草而食伺稍怠輒出擊破之

元

阿

阿

梁王郡主平章段功妻也梁王忌平章欲鳩之阿知其謀以告功不信遂與害

禮服喪矢死哀其夫作詩詳大理國內

皇甫璇妻楊氏 桑知州妻李氏 景縣尹妻

王氏 俱昆明人以貞節旌表

明

李仁山妻楊氏 郡人山早逝楊年十八生女未踰月翁翁憐之諷令更嫁楊嗚咽

斷一指曰指續可嫁竟不能強洪武末旌表

嚴士良妻吳氏 福建侯官人洪武二十二年隨夫戍滇二十年夫喪撫孤貞守

四十餘年宣德間奏聞旌表

孫彬妻謝氏 三吳人廣南衛軍永樂初挈謝守節久之有詔復安南國歸廣南同戍者強敬遜海而南潛歸吳下謝聞而諭之曰汝父

雲南通志 卷之二十三 列女 二

占戎籍汝私還勾牒必至自羅罪也且滇吳萬里浮海巨測萬一不諱而葬魚腹而父其為若敖之鬼乎乃與敬匿神祠中睨同戍者過盡循故道走間關歸孀居五十餘年壽八十八終敬後以軍功授本衛百戶

李 暘妻黃氏 暘卒黃年二十有二守節四十年奏聞旌表

王 綸妻史氏 晉寧人綸卒史年二十不更嫁奏聞旌表

趙文秀妻楊氏 安寧人夫亡教其子志操無替事聞旌表

嚴可富妻高氏 宜良人年二十七富卒以女紅給諸子墓祭歸途拾白金八十

餘訪其人歸之其子嚴鎮媳汪氏亦年二十七夫卒生遺腹子容矢志如姑皆壽終鄉人俱稱為嚴氏雙壁大學士李東陽作傳謝遷為記巡撫都御史王啓為贊

劉 琛妻丘氏 楊林所人琛亡丘年二十二守志不渝遺腹三月生子緒撫之

成立成化間奏聞旌表

盧 英妻短氏 英任雲南左衛指揮喪時短年十九守節終身

劉 潤妻趙氏 潤為後衛指揮卒趙誓死不二

張 翊妻胡氏 右衛人夫亡斷髮自誓姑遘疾至再竭誠籲天醫藥隨試輒效

羅 江妻李氏 高明人江為南昌司李遘疾李每嘗藥而進繼以割股竟弗愈

及夫死猶乞死以殉弗獲扶柩歸哀慟喪明適有寇至抱遺像投水毋姊救免焚劫一空

益勵苦節嘉靖年間旌表

南村婦 嘉靖年間鳳克之變被驅奔竄始猶雜衆人中至南壩河自知不能前行掩袂

雲南通志 卷之二十三 列女 三

投河而死竟不知為誰氏之女

閻 厚妻金氏 厚雲南府學諸生卒無子金年二十五號痛殞絕口鼻血流家

人將屬續厥明復甦遂竭力養繼姑四十年有奇

陳 梁妻劉氏 昆陽人年甫二十二歲梁歿人欲奪其志劉以公姑垂老有兒

襁褓不忍也竟以禮終公姑之身撫兒成立年逾八十萬曆年間臺司旌以節壽

貞女楊氏齊姑 昆明人自幼不字萬曆年間有司旌匾二一日乾坤正氣一日

貞心匪石以節終

良朝元妻即氏 元郡諸生卒即年二十撫其遺腹一子後亦夭折矢志不二紡

績日給壽九十而終

王 璽妻李氏 安寧人年十九夫喪伏棺慟哭
續嗣事曉之乃悟如蔬斷腥每食必薦主後
雖生女不以易也歷四十年終萬曆十五年
題表

陳孟章妻田氏 孟章為南戶部主事先娶楊氏
有子女繼娶田氏七載孟章故

田年二十有一號呼欲絕刺面毀形敬事若
翁育諸女寡居四十年萬曆三十一年題旌

准入
祀

王 衢妻陳氏 祿豐人年十六夫卒伯叔憐其
無子欲奪其志陳赴水死賴隣

婦朱氏急救得
生奏聞旌表

楊氏羅平姐 昆明楊應春女年十五許聘三泊
縣楊東明未歸東明卒女欲死以

雲南通志 卷之二十三 列女 四

救得免毋欲改嫁不從自縊死事聞
詔許祠祀今永清門內烈女坊是

姜愷妻吳氏 於萬曆四十五年巡按御史吳應
琦以節婦具題准建坊旌表其門

王氏 祿豐人早歲孀居家貧苦守事公姑以孝
名三十餘年絕無塵玷送公姑葬畢即自

縊於墓上事聞詔建貞節
坊後燬於賊夫名失傳

王業元妻許氏 祿豐人壯年喪夫孤潔自勵因
鳳賊之難祿邑受禍最慘許氏

賦性貞烈於賊未至時自刎
而死奏聞詔賜配享忠節祠

趙芑女淑姐 安寧人年十四歲許聘未歸因鳳
賊之亂慷慨自誓以衣蔽面投河

而死曾經具題
奉旨豎坊旌表

方玘妻曹氏 後衛人早寡能終其節後以子貴
贈夫人大學士李東陽有可貞堂

記奉旨旌其門曰貞節

趙翰妻段氏

晉寧人年十八歸翰二十翰亡截髮守志撫孤養親表葬勒碑預刻

已姓以表同穴孀居五十八載當事題准部覆云剛常夙凜貞性天成青年勒共穴之心志已不在人間皓首堅斷髮之盟歿亦何慚地下芳名不朽彝典有光奉旨旌表

胡道明妻王氏

晉寧人夫亡時年十九家貧無子氏能矢志堅貞孝養舅姑皆

以壽終守節六十六年題奉旌表准入祠祀

徐昂妻顧氏

年二十而寡撫二孤曰行曰言行以鄉科授合江教諭卒於官

婦鄭氏年二十有七婦姑一志相守後十年鄭先顧死遺二孤子曰麒曰麟顧又為撫之年八十餘御史孫用表其門曰雙節

雲南通志

卷之二十三

列女

五

唐鋤妻陳氏

晉寧人夫卒陳年十九家貧無嗣姑諷以改節陳泣涕而已姑

病嘗藥姻戚不輕見如是者六十年撫院表其門

楊鈞妻李氏

夫任永安守卒於官痛哭幾絕攜一幼子扶柩還里至廣陽堡

遇寇恐為所辱遂赴水死永安人思鈞之清高李之節為建雙節祠於江干

李志恭妻王氏

新興王丞女年十四歸呈貢諸生李志恭生二子皆幼恭疾篤

以為憂王自誓不相負以悞夫後有見其貧微諷之者王泣曰吾與二孤相為存亡耳後長成皆游泮王以壽終奏聞旌表

周維新妻閔氏

夫亡年二十九撫諸子教以文業辟纊以佐膏火苦節五十餘

年臺使者旌其門曰筠霜護日以子作樂貴封太宜人維新贈奉政大夫重慶府同知及

卒巡撫周家謨臨其隴以石題貞節二字

高甫妻趙氏

昆陽人夫歿時年二十餘乳居無孤永矢靡他歷四十餘年如

一日臺司旌其門卒祀於祠

傅爵妻姜氏

三泊人廿齡而孀撫其子以任教以義方子克家士民嘉之白

於臺司表揚

周允惠妻王氏

郡人年二十九守節至九十九萬曆四十二年撫按司道咸旌

之

張翻妻胡氏

翻亡後蕭然四壁子然二孤胡氏不以此易其節七十而終

廖忠妻梅氏

忠亡梅甫二十有四其貧守節撫二子應和應奎俱成立

雲南通志

卷之二十三

列女

六

劉體仁妻孟氏

仁任保寧府判卒於官孟匍匐

糊口篝燈課讀呬唔聲與機杼軋軋相間發也後六子相繼以科第貢薦振其家聲聞之

者莫不賢其母恩封為安人

王僕妻段氏

郡人嫁七年而夫亡子萬年在襁褓養姑教子終三十餘年

凌懋妻孫氏

晉寧人夫卒巨家慕其賢競謀委禽孫號泣截髮竟不能奪事

聞旌表

蘇政妻段氏

晉寧人年二十一夫亡守節其姑欲奪之段潛入暗室斷髮自

緼姑覺救而甦自是閉戶食女紅之力以養其姑號泣喪明

鄭儒妻洪氏

高明人儒計偕卒於京計至洪屢緼以從其姑輒救之得免守

節貧與姑同眠食闕不踰衣不彩督課幼子成立

楊大韶妻孟氏

晉寧人夫亡無子矢志養翁姑年十九寡居歷五十餘年卒

趙宣妻米氏

右衛人宣卒米年十九誓不二嫁時南寧伯毛福壽以征麓川

師歸在滇謀欲妾之米曰善為之辭必欲相強惟有死耳卒不能奪守節五十七年終年七十六歲
屢奉旌獎

張翎妻朱氏

昆明人年二十一守節勤苦持家嚴肅事翁姑克盡孝道崇禎

十七年土民公舉巡撫吳兆元巡按羅國嘯批云朱氏淑性幽貞幼凜冰霜之節慈和篤孝常堅松柏之操具題旌獎入節婦祠

陳爰諷妻王氏

昆明人庚申于歸誥封安人壬戌二月扶夫櫬旋里道經安賊

雲南通志

卷之二十三

列女

七

之變罵賊身死年甫十七崇禎丁丑長子履忠成進士具疏陳請建坊旌表

李華妻王氏

宜良人少通孝經列傳年二十一而華死生子甫三月比長名

之日節守之讀書歷五十餘年子亦奮發得入仕

陳永川妻程氏

宜良人年十七夫卒守節訓子至成立年八十五而終

孫宙妻浦氏

烏撒衛孝廉浦仲良女從夫宦京師夫以上林左監丞卒於官

二子方在襁褓剪髮撞棺忍死扶襯歸既葬守塚傍慟哭不食死於墓左

魏昇妻

昆明人許聘未嫁會昇以罪遣戍騰衝妻意欲歸而偕往然不敢言其父母不忍謀為昇另娶為女別嫁有成說矣乃

潛製一布袋留期用袋盛身向內自束其口投水死舉家覓之不得姻家將訟屍尋浮出漁者見之事乃明姓氏不傳

秦 春妻王氏

春昆明人教授春死王年二十
二囊無尺帛餘財矢死不二督

學蔡雲程聞於臺院數嘉獎
焉六十五歲未及旌而卒

吳 鑰妻戴氏

鑰諸生卒戴年二十七
紡績自給守節終身

李光憲妻張氏

郡人年二十四光憲死遺孤襁
褓舅姑在堂張守節四十餘年

劉 悌妻常氏

郡人悌卒常年二十六家四壁
立遺孤甫三月矢死不二以女

紅自給撫子以存因名曰大節歷六十餘年
節既成立為諸生娶嚴氏節尊卒家道益替
嚴其貧守節亦撫其子中
庚子鄉試鄉人稱雙節云

沐天波母陳氏

乙酉年遭沙逆之變士民奉至
朝陽庵聞其媳焦氏自焚笑曰

若能如此吾無
憂矣亦自焚死

雲南通志

卷之二十三

列女

八

沐天波妻焦氏

江南人乙酉年沙逆變作天波
奔迤西滇民奉焦至城北金井

庵其姑陳氏遣人問計於焦焦曰吾家累世
重臣身為命婦當死宗廟遂舉火自焚時幼
女在旁見烈焰起
懼甚焦強抱同死

沐天波女瑞貞

甫十齡許配劉文秀子劉子痘
殤天波謂女曰汝婿死矣我將

往弔及至劉文秀第家人馳報
瑞貞自縊遂與秀之子合葬

本朝

王養正妻洪氏

昆陽人年二十一夫亡有遺腹
五月氏誓不他適生子名順天

撫育成立守四十七年至康熙二十四年具
題旌表

王順天妻楊氏

昆陽人少適順天與夫同孝寡
母洪氏甚謹生二子年二十九

歲夫歿氏效姑守節訓子王來賓入學州人
稱為世貞守節三十二年卒康熙二十四年

題旌表具

傅景明妻唐氏

夫病故氏年方十八守節五十
六年孝事孀姑克盡婦道撫子

及孫拮据甚苦康熙三十年具
題旌表

曲靖府

元

副樞燕帖木妻脫脫懷氏

蒙古人洪武中征雲
南燕帖木敗績於曲

靖馳歸妻閉門不納曰爾受梁王厚恩兵敗
不死何以見王乃鳩其二男一女命使者曰
我死爾舉火焚屋毋
令辱我遂飲鴆死

雲南通志

卷之二十三

列女

九

明

王子臣妻趙氏

曲靖人年少守寡正統
二年有司奏旌表其門

陳蕃妻任氏

蕃曲靖卒也任歸蕃年十六後
生一女歲許嘉靖乙巳春夫客

死他郡任聞計朝夕呼號至廢寢食翁姑厭
焉令其改嫁任益憤激流涕以死自誓因謂
其姑曰妾既失所天矣但得葬夫骸骨少盡
夫婦之情不敢以子母重累姑也姑不知其
偽始息逼奪之狀不數月骸至任即縊衣攜
女撫柩悲痛埋墓於漏澤園至夜分諸親眷
歸任故緩步私語曰吾今歸翁姑必執前言
不從則逆命從則逆天莫大焉惟死可兩全
也復慮女幼無依乃抱女投於瀟湘河舉家
不知所之三日方得其屍女猶約於其背鄉
人聞之無不酸鼻者嘉靖壬子夏督學趙維
垣以諸生及地方輿論達於兩院乃傲下所

司售地合葬旌其門曰貞烈仍建祠於墓立碑於祠復其二丁以奉香火

張 濬妻馮氏 平彝衛人濬為諸生卒馮守節不嫁嘉靖七年旌表其門

李 文妻戴氏 平彝人年十九夫卒遺一女尚幼姑強欲嫁之自縊而死有司旌其門

旌其門

楊 威妻王氏 曲靖人王早適威家窘甚出荆布易書勉夫力學威鄉薦為仕楚

辰溪令卒於官王間關數千里扶櫬歸葬一子繼殞王時二十一歲苦節自矢事聞旌之

朱 愷妻馬氏 朱 臣妻陸氏 愷為曲靖衛千戶蚤卒子

茂未龔繼亦卒遺孫臣尚在襁褓馬曰予喪所天托之於子子今復喪猶幸有孫苟寧死弗顧朱祀其斬乎遂撫臣及長娶同衛陸林女時家計甚窘朝不給夕里戚憐助臣得龔

雲南通志

卷之二十三

列女

十

如祖官未幾臣復以疾卒或以家貧無依諷奪陸志陸泣告曰夫亡恨不速死為祖姑在耳矢志不從維績供養越數年祖姑亦卒陸哀慟幾死苦節彌堅先是嘉靖己亥有司表其姑為貞節至是本府月給陸米五斗表其門曰雙節云

張武臣妻曹氏 武臣平彝衛指揮蚤卒曹撫其二孤誓不再適

王 愛妻徐氏 木密所人王愛及姪王立與安銓戰死氏欲以身殉姑泣止之

忍死事姑壽八十九臺使旌表年分失傳

袁 謙妻蘇氏 曲靖人謙為鳳梧所指俾卒蘇守志不渝後遇亂為賊所逼以

刀引決賊感而釋之得保其宗年分失傳

曹 桴妻陳氏 夫死翁姑逼其再醮割髮自誓甘貧守節六十五年奉文旌獎

李士升妻周氏 士升青年隨父任身故計音甫至氏繪已像於夫之右每日悲

泣哀毀而死

李萬年妻李氏 萬年鳳梧所千戶李髫年于歸夫生瘋疾盡賣粧資調治及疾

惡甚毫無厭怨夫死盡哀苦守夫節聞賊臨城恐身有玷自縊於家

李元靜妻楊氏 克盡婦道三十居孀長子蕃華方九歲次子維華方六歲家微

族弱恐人奪其志停夫柩於堂者十年常服衰經朝夕飲食先供而後食元靜世本農家

氏教二子習儒業皆為諸生

張神武妻呂氏 天啟三年奢酋水蘭叛巡撫閩洪學檄神武從討賊行至疊水

河逢賊兵攻劫神武降亡氏年二十二計至躡踊哀毀昏死者數祖姑力救始甦生女方

雲南通志

卷之二十三

列女

十一

二載苦節孀幃公舉優恤監軍陳蓋巡按吳文瀛交奏稱其夫忠婦節古今少有奉文旌獎

臨安府

元

張友直妻杜氏 通海人杜林之女年十八夫卒誓不改節教子成人壽八十二

終至正年間有司聞於朝旌之

明

邢奎妻江氏 建水人正統中隨夫戍廣西南丹衛未幾奎卒氏年二十七廣

人留之不聽攜孤五人負骸歸葬臨安家計甚約安貧教子後以子幹貴封安人

陸華妻薛氏 華臨安上官卒氏年二十守節撫孤子成立景泰年間有司奏

聞旌表其門

祿萬鍾妻薛氏 昭峨人貞節守義景泰間旌表其門

高源妻王氏 建水人年二十四夫卒子宏方四歲王紡績供之後宏長能襲

父官王以壽終年分失傳

趙寧妻王氏 建水人年十九夫喪無子父母令改志誓不從孀居四十餘年

終寧女適徐果早寡亦勵節如其母

喬玥妻許氏 通海人年二十一夫故守節自誓教子相有成宣德元年事聞

旌表

雲南通志

卷之二十三

列女

三

魯麟妻曹氏 建水人曹闕之女年二十六麟卒孝事舅姑撫育幼子終無異

志成化年間奉旨旌表

蘇秉鈞妻陳氏 石屏人十九喪夫生子歲餘教之成立始終一志年分失傳

李瓊妻蘇氏 石屏人年三十喪夫苦志訓子人稱其節年分失傳

萬傳妻張氏 建水人年二十二傳卒無子誓不他適紡績以養舅姑終喪如

禮既乃痛曰夫歿無嗣所不死者為舅姑耳今吾事畢矣遂自縊於寢室家人救免獨居六十餘年親睦樂施凡族人婚喪不能舉者皆周濟年分失傳

楊雲鸞女楊氏 石屏人見父乏嗣誓不字人父病割股以救之年六十八鄉里

罕見其面州人呼為孝貞女年分失傳

李茂妻周氏阿迷人年二十八夫卒二子二女紡績撫育底於成立年分失傳

張暉妻李氏寧州人十九喪夫屏華飾堅苦節事姑敦婦道弘治五年建祠旌表

曾祥妻賈氏建水人賈千戶之女祥鄉舉卒氏守志撫孤歷五十年子孫相繼成立皆其力也弘治六年旌表

王勛妻趙氏阿迷人年二十八夫卒撫孤子就學後子婦皆卒再撫遺孫成立人以爲難年分失傳

王家長妻楊氏石屏人家相死氏年二十七矢志事姑教子夔龍登進士萬曆

雲南通志

卷之二十三

列女

十三

二十二年巡按御史奏聞旌表

邢思明妻藍氏建水人年二十七夫亡無子人勸其再適藍乃自縊鄰人救之不死壽六十餘年分失傳

繆忠妻劉氏建水人忠死年二十廿苦食貧誓不異志子昇娶王氏昇死亦與姑同節當道復其孤養之年分失傳

馬敏妻楊氏建水人年二十孀居撫孤終老年分失傳

馬良妻周氏建水人年二十四夫亡子喪誓無他志年分失傳

張顯妻蔡氏建水人年二十夫卒子坦甫四歲同妾趙氏年十九守節撫孤後坦長娶譚氏年二十守志如其姑鄉人稱一門三節年分失傳

楊 誥妻尹氏 寧州庠生早故氏年十七無子 誓節不渝年八十餘卒正德十

六年臺司以 聞建坊旌表

楊 本妻范氏 阿迷人年二十一喪夫無子父 母不能奪其志孀居四十年人

無間言嘉靖間分守叅 議趙淵表其門曰節婦

楊 鼎妻何氏 建水人年二十五夫亡躬操機 杼事孀姑吳氏形影相吊吳年

八十三何年五十九一門 雙節奉旨旌表年分失傳

祁 會妻張氏 寧州人張仁女年二十一喪夫 舅姑欲奪其志斷髮自誓始終

不渝年七十六嘉 靖八年勸喜旌表

彭 景妻金氏 建水人景病革託以老母幼 子及卒不負夫託年分失傳

雲南通志 卷之二十三 列女 四

何 儼妻王氏 建水人正德間由鄉舉授四川 銅梁縣知縣未仕卒於京二子

俱在襁褓氏年二十五家貧如洗誓不改節 貴族有以謀覘其意者斥拒之諸姑以為言

即欲求死撫教二子甚 謹撫按憐其貞節旌之

楊 以榮妻沈氏 通海人夫庠生家貧紡績以資 膏火十九喪夫遺腹五月利其

產者謀令改嫁沈抱兒向靈號慟乃自縊隣 婦救免歷四十五年終弘治三年事聞旌表

萬 昂妻王氏 建水人夫卒年二十三養姑撫 子至親罕見其面有老媪誘言

以探其意王即引刀斷 指其節凜然年分失傳

李松妻歐陽氏 建水人歐陽順祥之女年二十 七松卒遺孤葉三歲家貧紡績

育以成人壽 六十四卒

吳 浩妻沈氏 建水人 浩死 沈年二十四子尚襁褓誓不改節年分失傳

李 樵妻高氏 建水人 夫病革時以子女皆幼囑其鞠養高許諾後皆長成婚

娶年分失傳

胡 銳妻葉氏 建水人 年二十三夫卒養姑育子無異志年分失傳

曹 鼎妻葉氏 建水人 痛夫之亡欲即死不得截耳置棺中聞者悚然家貧善

事姑撫弱女冰蘖之操聞於當道累加獎恤年分失傳

毛 鶴妻黃氏 建水人 夫亡痛絕親戚勸之居室足不越門限課子守節五

十餘年人以苦操稱之年分失傳

余 洪妻徐氏 建水人 洪任訓導卒於官徐年三十扶櫬歸葬撫孤成立親隣

雲南通志 卷之二十三 列女 六

罕見其面年分失傳

華 玉妻曾氏 建水人 王以指揮卒於兵事貧裝始盡曾守貧育孤以壽終年

分失傳

喬 楫妻曾氏 通海人 夫卒子方二歲剪髮毀形誓死守節善事祖姑孀居五

十餘年事間旌表

趙士貴妻李氏 建水人 夫喪家貧紡績育孤為郡庠生人稱其節年分失傳

蔡 仁妻吳氏 建水人 仁卒吳少無子人勸之嫁剪髮誓死終養舅姑人稱其

節年分失傳

孫應鵬妻戴氏 寧州人 年十八喪夫事姑甚孝守節八十二年勸實旌表

萬 鑽妻王氏 蒙自人年二十夫卒父母迎之歸欲奪其志毀面不從葬其舅

姑撫育二子皆成立食餼後俱死於亂復育其孫及其孫之二子以禮自持老而彌篤三尺之童罕見其面兩為當事所獎

段 繼母江氏 蒙自人芳年夫卒育其孤段繼幼而瞽家無可倚苦節終身繼

卒其婦萬氏亦同矢志初萬氏許配繼猶未嫁也繼忽盲父母欲奪而嫁之萬氏號泣歸段門不慕榮富事夫甚謹不幸又失所天從姑守節沒齒無怨

任 官妻李氏 建水人官貢之京卒李年二十餘守節課三子皆業儒食廩每

聞旌節之聲輒止之謂為婦人分內事壽八十卒

伍應祖妻劉氏 建水人應祖故氏年二十二子鍾幼甘貧事孀姑撫子成立督

雲南通志 卷之二十三 列女 十七

學匾獎年分失傳

東 欽妻盧氏 河南光山人欽父任御史以事累謫戍通海未至夫婦俱卒有

司起其家以從盧與夫至通海未幾夫征和泥沒於兵盧日夜號痛勵志自守有為張氏求聘者拒之不得乃自縊於室救之甦張強治聘盧號痛仆地欲絕復不食者三日夫之妹使從已遠避盧佯許之行及海畔投水死嘉靖二十三年事聞旌表

楊文光妻馮氏 文光府庠生娶為僅葦年卒氏年十七無子剪髮入棺以死誓

即不食或以舅姑慰氏乃勉存紡績以養比歿喪葬如禮守節四十年卒年分失傳

李 完妻曾氏 完臨安衛指揮卒氏以死自誓撫孤子仁成立仁卒撫孫中珍

中珍卒又撫曾孫五十餘年齋蔬自守嘉靖二十五年巡撫郝維嶽聞於朝旌表其門子

婦樊氏孫婦趙氏皆孀
居守志人稱世節云

譚敷惠妻李氏

建水人敷惠卒氏年二十餘甘貧養姑守志不二五十餘年學

使旌其門曰貞心
苦節年分失傳

張國相妻陳氏

張國卿妻王氏

俱建水人本府知府秦懋

官獎詞有云一門特著雙節
兩人並可齊芳年分失傳

楊日華妻向氏

蒙自人夫早卒時有王重儀挾兵勢欲娶之氏不從舅姑懼禍

乃歸之母家卒為所迫而許嫁
焉及期迺輸入室沐浴自縊

孫汝才妻段氏

通海人年十七夫亡家貧無子有勢家謀為繼室欲死救活守

志終身嘉靖二十
八年事聞旌表

雲南通志

卷之二十三

列女

六

張廷祚妻李氏

蒙自人嘉靖末祚赴兄難死李年尚幼或勸其改節李矢志不

移苦節撫孤年九十餘萬曆間奉旨建坊書
死義張廷祚妻李氏貞節之門有勅旌曰百

鍊剛腸一生嫠節所天率同胞以死難揮戈
生氣猶存求原哀遺骨而立孤崩城餘烈可

想啼鵲聞之墮淚
鵲影見其孤騫

樊惟卿女樊氏

惟卿為新安所千戶女八歲失怙恃其兄許聘府庠生胡啟啟

貧有疾弗克娶祖母欲奪而嫁之女聞泣曰
從一而終婦之道也聘即大義定矣胡可更

耶乃自縊家人覺解其屍惟抱胡生原聘物
耳時年二十一隆慶三年巡按田應弼布政

陳紹儒為文墓祭
旌其門曰貞烈女

杜雲漢妻吳氏

蒙自人夫亡吳年二十一安貧訓子九十五終萬曆二十年奉

旨旌獎
曰貞節

王維新妻杜氏

河西人萬曆十八年維新死氏守節年甫十九歷六十年終

趙華妻孫氏

通海人華卒撫孤廷相長娶張氏年二十廷相亦卒張撫其遺

腹子守志如姑人稱雙節
萬曆四十年事聞旌表

葛阜妻夏氏

河西人阜為諸生卒夏年二十五守節歷五十餘年

余必明妻楊氏

嶧峨人楊應元之女年二十三夫卒有子一歲家貧姑老氏紡績養之姑卒殯葬如禮撫孤遊泮守節四十二年子余允妻畢氏年二十二夫亡有議婚者畢以死自誓守節六十二年天啟年間事聞於上匾其門曰雙節

台生妻黃氏

通海人年二十喪夫甘貧守節養孀孤撫幼子宗族欲奪其志

雲南通志

卷之二十三

列女

九

不從天啟五年事
聞旌表夫名失傳

劉經妻張氏

通海人夫患疫顛天代死夫卒依孀母陳氏閉門紡績聞有求聘輒抱遺孤痛哭矢志不從天啟六年事聞旌表

楊榛妻萬氏

阿迷人天啟間夫以公事溺水死萬聞計自縊其母救免遂自

誓守節院
道獎大勵

郝孟陽妻孫氏

通海人夫卒氏年二十三悲號欲殞以有三月幼子誓守撫育

事聞
旌表

楊懋學妻湯氏

阿迷人年甫二十夫亡踰月生遺腹湯撫之事公姑盡孝子楊

延嗣弱冠登科崇禎戊寅年奉勅建坊旌獎

王 紳妻張氏 寧州人張念中之女夫卒撫育三子成名年八十餘終崇禎五

年奉旨旌表

杜存愛妻黃氏 帽峨人黃中元女土賊入境被執石山嘴氏奮身投巖頭面皆

破痛罵不已賊大怒分裂其屍崇禎間學使旌其門曰完名全節

本朝

許爾成妻李氏 石屏人爾成州庠生李適爾成上事翁姑克盡婦道爾成卒氏

年二十八子三人均幼穉李苦志教育次第成名守節二十二年康熙三十年具

題旌表

澱江府

雲南通志

卷之二十三

列女 二十

明

謝石用妻王氏 淮陰人洪武庚午從夫戍滇攜其子仁并姪禮義過采石遇盜

愛不能兩其乃棄其子携二姪來君用卒王年姪禮成立知州陳恕重其節

之

人正統初年安壽應貢卒任養利州同知前後十

事舅姑後安壽卒於官在祭如禮壽八十四卒

川人未嫁奇卒守貞不二

成化二十年奉旨建坊旌表

李 河陽人年二十夫卒遺腹生子亦卒五十餘年節不能奪弘治

間撫按旌獎

張以時女張氏 河陽人許聘李君需未嫁而君需死有姚琰者復聘之張潛往

夫墳自縊獲救誓死不再嫁弘治間學使旌獎

李愈祥妻黃氏 河陽人弘治十四年夫卒時黃年二十撫二子以節終

杜 誼妻楊氏 河陽人揚名聲女二十娶居撫一月之孤杜祥雲為庠生年至

八十卒正德間撫按旌獎

楊永延妻董氏 河陽人夫卒董年二十九誓不再適視子女成立嘉靖二十五

年巡按宋大本疏間旌表

張 氏 新興人節孝雙全嘉靖間奉旨建坊旌表夫姓名失傳

秦世賢女秦氏 河陽人八歲許聘楊溼未嫁而夫卒父亦隨亡女誓死事母終

雲南通志 卷之三十三 列女 三

身不字有求婚者甚力女引繩欲自縊是後無敢言者嘉靖間院道旌獎

李 宣妻陶氏 河陽人宣卒年二十八事姑撫子年逾八十嘉靖間撫按旌表

陳必安妻王氏 河陽人王紳之女安卒氏方十八歲生子陳天輔守節教子入

學嘉靖間院道旌表

潘雲龍妻張氏 河陽人嘉靖癸巳雲龍以貢赴京卒於道張年甫二十六誓不

再嫁撫育遺孤以至成立

韓宗長妻張氏 江川人張洪女年二十寡居事舅姑撫幼子至九十卒嘉靖二

十年府縣申詳未蒙旌獎

徐 麟妻王氏 河陽人王陞女年二十九麟歿撫子登甲入庠隆慶間院道旌

之

速大用妻陳氏

河陽人陳有德女年二十四夫卒撫子有成隆慶間巡道旌獎

江淮妻方氏

年二十二夫卒方守節不移撫育二孤事聞旌表

袁志聰女

河陽人十歲時許聘王守業未嫁業出遠遊不知死所有求婚者諸嫂強

之女往河畔投溺毋奔救回竟閉門不見其嫂茹蔬紡績節操彌堅萬曆間奉旨旌表

陳俊妻顧氏

江川人顧廷珍女年十九而娶撫子竟節萬曆二年氏年九十

而終

賀璽妻程氏

江川人程希灝女萬曆二年夫死程年二十九守節三十餘年

朱震春妻張氏

江川人張經女萬曆十一年守節養姑訓子五十餘年

雲南通志

卷之三十三

列女

三

本朝

徐禧麒妻趙氏

路南人年二十二夫死立志守節課子致遠遊泮孫之愷領鄉薦

有孫十餘人曾孫九人皆苦節所致康熙二十四年奉

旨建坊旌表

吳嗣徽妻陳氏

年二十夫卒遺孤純祐方二歲紡績撫育誓死不渝守節四十

二年康熙三十年具題旌表

武定府

明

李臻枝女

和曲人年十八許聘張節未幾節死誓不更字嘉靖七年兵變途遇一男

子執其手卽以刀自斷其手而死今東郭外有旌節碑記

李含英女李氏五姐

和曲州人志在養母不適人嘉靖七年鳳朝文叛刎

頸盡節

魏守恭妻胡氏

祿勸州人守恭為千戶遠出嘉靖末年阿克之變氏聞城陷率

二子望闕叩首自縊死

成乃貞妻李氏

和曲人李為勳女嘉靖七年鳳朝文之變為賊所執撞地而死

州守為之立墓

何天相妻高氏

和曲州人萬曆三十五年克舉之變城破天相令同走出避難

氏知無所避乃曰今日之事吾與若有死而已言訖抱八歲女投之於井次及幼女繼以

雲南通志

卷之二十三

列女

三

身死見者無不痛之

居之敬妻趙氏

元謀縣人崇禎末年吳必奎叛城陷投井死

張韜妻俞氏

二十歲守節竭力養姑四十年如一日

夏某妻趙氏

夫名失考城陷自縊

楊春霽妻辛氏

性貞靜通經史霽死氏甫二十歲堅志守節集古今列女事

作小囊佩之年八十五有疾卻藥不進日六十四年清白可隨夫子遊地下矣含笑而卒

廣西府

明

趙理妻張氏

郡人張廣之女年二十五夫亡子幼不嫁壽八十萬曆元年撫

按旌之

郭尚賢妻趙氏

郡人趙鳳羽之女其初父母已許婚尚賢尋欲改盟更許豪家

趙耻背盟自縊得救竟如其志善事舅姑姑病劇凡二割股療之萬曆二十一年撫按旌之至今名其里曰賢孝街

楊大謨妻段氏

彌勒州人段岡之女大謨為黑

謨奮勇殺賊死於陣段氏撫其孤以節自持翁姑欲奪其志遂自縊天啟辛酉年奉旨旌表

趙信妻楊氏

郡人年少而貧夫亡守節有司旌之年分失傳

暨希妻周氏

希役臨安隨知府朝覲卒於道遺一子暨大器時周年二十聞

雲南通志

卷之二十三

列女

三

計死而復甦撫孤同伯母居住每役以所不堪志節愈勵有大姓屢欲奪志竟不移惟刺紡教子及大器應貢仕陳畱隨任就養年五十六而卒大器以謁選爭父柩歸合葬云

元江府

明

王諍妻黃氏

元江人蚤歲喪夫訓遺孤廷輔以儒業歷四十餘年萬曆十年

督學荆光裕旌其門曰日南正氣

楊德先妻馬氏

元江人夫死年幼守節八十而終年分失傳

何源清妻李氏

元江人年十八清卒痛毀欲絕父母翁姑曲慰之竟飲藥死年

分失傳

何源深妻曾氏

元江人年十六深卒誓不再嫁年分失傳

馬宗範妻白氏

元江人年十六喪夫孀居守節五十餘年年分失傳

李 儒妻楊氏

元江人儒死氏年二十三剪髮毀容願以死殉其姑寬慰之乃

拮据襄事修其婦職姑病賴割股而痊撫遺腹子希聖為歲薦士終其身六十年不易云

年分失傳

大理府

漢

曼阿娜妻阿南

太和人漢元封間其夫為漢將偏裨郭世忠所殺欲妻之南曰

能從我三事乎一作幕次祭故夫一焚故夫衣易君新衣一令國人徧知禮嫁如其言於

雲南通志

卷之二十三

列女

三五

六月二十五日聚國人張松幕置火其下阿南袖刀出令火熾盛乃焚夫衣自引刀斷身什火國人哀之每歲以是日燃炬聚會為弔後人名為星回節及南詔滅五詔亦以是日舉火

唐

鄧睽詔妻慈善

鄧川人唐開元間南詔台六詔為一遂因星回節會宴以火滅

之明日各詔妻尋夫骸不識惟慈善昇之以歸初慈善止夫無行行必得禍弗聽乃以鐵釧約其臂而別至是果罹禍認釧而得夫骸南詔主以幣聘之善以夫未葬為辭乃治塋事竣堅閉其城南詔主發兵圍之三月食盡盛服端坐而卒南詔悔旌其城曰德源

元

明

段功女羞娜

大理人一名僧娜段功之女元至正間功遇害娜志在復讎後將歸

阿黎氏出繡旗示弟寶曰自我省事之日即聞父冤欲復讎於梁王專待汝長成繡此旗今七年矣我歸借兵夫家汝亦提父兵來會此旗為符慎勿我違咏詩而別

胡 濬妻奚氏

鄧川人濬為千戶卒奚年十六姑憫之奚日娶婦以養母也母無他子誰適為養其姑不能奪後有詔旌其門時天順三年也

楊 和妻施氏

楊

璘妻趙氏

楊

謙妻

張 氏

皆太和人以夫亡守節有司奏聞明成化二十二年詔旌其門曰二孝三節楊一清周洪謨嘉其事各為序記以表之

雲南通志

卷之二十三

列女

三

阿 旻妻陶氏

鄧川人夫為鄧川州士官未襲而卒時陶年十六撫孤守志二十餘年弘治間旌表

何 偉妻趙氏

郡人偉以母病覓藥湖水死趙氏大慟亦死之奉旨旌其門曰

貞烈

楊汝為妻楊氏

太和人夫亡撫幼子枋居一室女紅自給家人罕見其面枋登進士嘉靖癸亥入告旌表其閭

張守綸妻陳氏

太和人綸為舉人卒明日陳隨自縊嘉靖年間督學趙維垣以

烈婦旌之

宋良臣妻郭氏

大理人良臣大理備千戶生子應甫四歲夫卒郭年二十八其

貧守節撫子長承襲水蘖益勵應亦善事母稱孝子撫按廉其實匾曰樹節風賢年分失傳

周鳳妻袁氏大理人鳳為大理衛指揮卒袁守節撫其子瑞娶徐氏瑞卒徐亦撫其子之晃守節如其姑撫按旌曰雙節年分失傳

崔喬遷妻李氏太和人喬遷為諸生早逝氏矢志不二明嘉靖年間監司旌表

劉君寵妻懷氏大理人早年而娶家貧苦節觀風者崇獎焉年分失傳

譚本仁妻姚氏瀾滄衛人夫卒氏年二十九守節訓子臺司獎其門年分失傳

雲南通志

卷之二十三

列女

三

趙璘妻王氏趙州人許聘璘後有土官願納饋其父欲改圖不從竟歸璘不二年璘患疾不愈病中遺命更嫁王盡髮其髮納夫袖中靖年間監司旌獎

楊洪妻釗氏太和人年二十而字未幾洪病甚父母欲改嫁不從竟歸洪侍

藥籲禱踰月洪死釗遂自縊嘉靖年間監司旌獎

趙文振妾劉氏太和人振為通判卧病劉侍之甚謹踰年如一日既卒劉送葬

歸自縊嘉靖十七年大理府旌其墓

王汝為妻楊氏太和人少叅楊南金之女年二十六夫死環土於室四十年家

人不見其面甘貧撫孤嘉靖年間督學旌獎

邵麟妻李氏太和人年二十五夫卒家貧薛繼自給撫二孤皆為諸生嘉靖

間監司
旌獎

沈

秋妻楊氏

太和人夫卒衣不周身内戚祿以紵衣楊曰夫子生不受人憐

遂以敝服歛庶幾黔婁妻之風焉其貧育子以勤苦終嘉靖間督學旌表

楊

冕妻孫氏

鄧川人夫庠生卒氏年二十五孀居無玷當道表楊壽百有三

歲年分
失傳

王

文妻奚氏

太和人歸王三月王客死時奚年十八乳乳無依以節自誓夫

之弟欲得其產迫之奚曰姑少待未幾生遺腹子幹遂撫孤以女紅自給足不履闕幹長

娶媳生孫邦泰中嘉靖已酉舉人年八十五卒

劉繼文妻鄒氏

趙州人年十六箚賊掠白崖氏走水田中賊於崖上張弩以恐

雲南通志

卷之二十三

列女

三

之氏曰寧射死必不從賊遂射貫顱而死嘉靖年間事

馬明輔妻舒氏

洱海人輔為百戶卒氏年十九守節養舅姑撫子承襲六十餘

卒年分
失傳

楊永茂妻周氏

太和人年二十夫亡無子其貧守志齋居而已隆慶間分廵僉

事陳應春
匾旌之

趙鐸妻楊氏

太和人夫亡年二十五人欲謀奪其志矢死撫孤竟不渝年八

十二
卒

陸彥妻陳氏

太和人年二十八夫卒無嗣孀居三十三年卒之日遺言以其

產為陸氏祭田

王 幹妻張氏 太和人其家火災慘甚夫畏法赴火死後產業一空氏守節教

子季子邦泰領鄉薦稱賢節云年分失傳

楊 模妻陽氏 太和人年二十夫死於外歸櫬之日悲痛嚙棺齒落守節壽終

奚 相妻韓氏 太和人相大理衛千戶早卒韓守節不移鄉人重之年分失傳

楊 濟妻張氏 太和人年二十七夫卒守志終其身

胡 洪妻馮氏 趙州人年二十七夫卒其貧誓節鄉人皆稱之年分失傳

楊 儼妻尹氏 鄧川人少矢所天撫子九齡齡卒其妻亦守節年分失傳

楊 燦妻李氏 賓川人年二十四夫亡舅姑老在堂紡績以供聞有求娶者毀

容斷指年五十卒年分失傳

雲南通志 卷之二十三 列女 三九

金 印妻李氏 趙州人夫病氏割股進之中年失夫孀居四十三年不易其節

以壽終年分失傳

楊 敬妻秦氏 鄧川人夫亡年二十四撫二子子故又撫二孫成立年七十

張先翼妻楊氏 鄧川人夫亡年二十三欲自縊衆救之因嚙指自誓有司旌曰

縊頸捐軀魂幾飛於九地嚙指矢節志不移於二天

艾自新妻何氏 鄧川人夫亡年二十有六守節教子丕著賢聲院道給米旌獎

楊 涓妻楊氏 雲龍人夫死氏正芳年子寅佐年八歲氏矢志守節忍死茹荼

孝養公姑譽洽鄉閭節符金石氏病子寅佐籲天請代割股進羨學道旌曰母節子孝

李 昇妻楊氏 浪穹人夫亡年三十矢志撫子友蘭以逸才應選按院以節孝

匾之旌以聯云栢舟天地久霜
節鬼神知後友蘭廬墓以報

楊 鑑妻李氏

浪穹人夫故年十八遺子甫一
歲矢志守貞艱危不易課子及

孫皆成名士
按院旌獎

楊 一鶴妻段氏

鄧川人夫亡年二十六守節教
子育孫克承夫志萬曆間奉旨

旌獎

張 課妻劉氏

雲南縣人歸寧偕夫行遇寇於
途乃皆避入蔡氏之家寇追及

之劉意寇如猛獸得人當止以身捍門寇欲
掠之厲聲罵賊賊加刃於頸曰宜速殺我不
受辱也刃矛交集數創後猶裂裳塞痛捍門
不移竟死門間其夫獲全天啟五年有司上
其事臺司
檄祀於祠

雲南通志

卷之二十三

列女

三

本朝

時際明妻王氏

趙州人郡廩生王日都女夫干
戶氏年二十與夫及舅姑避兵

於楊柳冲順治十五年冬為賊眾所執氏自
揣不能脫引刀刎頸血噴賊衣觀者流涕康
熙元年巡撫袁懋功具

題旌表

陸萬頃妻楊氏

趙州人性剛烈歸監生萬頃順
治十五年十二月賊兵至欲避

無門引厨刀自刎顏色如生康熙元年巡撫
袁懋功具

題旌表

楊朝棟妻蘇氏

趙州人廩生蘇濬之女夫為諸
生順治十六年閏三月避兵於

莊西穴中為賊所逼不辱而死康熙元年巡
撫袁懋功具

題旌表

李應和繼妻楊氏

雲南縣人年二十夫死撫前妻張氏子偉成立壽七十

終康熙二十四年具

題旌表

趙應龍妻黃氏

太和縣人夫故氏年二十九守節六十餘年撫孫士傑成立康

熙三十年具

題旌表

永昌府

元

黃善妻張氏

保山人名藥師蓮父名開極年

遺孤定大德已酉張年七十一尚無恙定赴京訴其母之貞操詔旌其門授定以鎮撫

雲南通志

卷之二十三

列女

三

明

夏寧妻葉氏

保山人葉生光女年二十六夫

卒一子五歲時姑已孀居二十二年氏紡績以養志節凜然教子讀書洪武元年有司以聞旌表其門

李勤妻張氏

保山人張君弼女年二十六夫

卒生計蕭然竭力養婆姑撫幼子年八十七而卒洪武三年御史劉廷儀疏奏旌表

宋氏

金華人其夫任閩中守洪武中以誣卒於獄宋坐戍金齒撫其孤來戍節操凜

然有郵亭題壁詩嘉靖十六年御史陰汝登立祠以祀三十二年御史黃中刻其詩於祠

夫父姓名失傳

張思仁妻王氏

思仁山陽人戍金齒卒氏年二十六父母欲嫁之氏曰夫死遠

方其父母老其子幼女即不肖寧忍負乎卒不能奪宣德五年詔旌其門

梁 貴妻邵氏

山陽人夫成金齒卒氏年二十五攜孤子收夫骨歸葬養其翁

姑宣德間事聞旌表

谷添生保妻楊氏

騰衝人生子名金山正統三年思仁寇邊舉家出避金齒

保從征中嵐瘴死楊痛哭遂自縊於夫柩旁有司上其事詔旌其門復其家

張 較妻頓氏

較騰越衛學生病劇頓年二十五涕泣不食預置衣裝以俟一

女甫七歲貯一簣以昇之較卒遂飲毒毋以他藥救解夜分復自縊死有司疏聞旌其廬

日貞烈正統年間事父名威

黃 桂妻李氏

桂為騰越諸生卒氏年二十四不御簪珥養姑教子為事姑歿

雲南通志

卷之二十三

列女

三

殯葬薦祭竭力以禮年七十餘貞操如一日正統間有司疏聞旌其門

廖惟喜妻吳氏

吳弘勳女熹永平人氏荆布事舅姑以孝敬聞夫卒守節終其

身內外無間言

華 松妻林氏

林茂榮女松騰衝衛後所千戶林年十七松卒矢節養姑撫遺

腹子復春襲松職未幾死林再撫孤孫以存華氏

白 浩妻閃氏

保山人年三十浩卒家貧子幼且罹多艱苦節堅持父母不能

奪天順六年有司崇獎題其門日貞節遺芳父名志通

林 鳳妻閻氏

騰衝衛人閻清之女年十七歸鳳四年鳳疾密割股而脯之以

進弗愈謂閻曰吾度不免汝少奈何氏泣曰所不能從夫者以二子在襁褓耳敢有他志

鳳死杜門深居孝事舅姑及相繼歿勉勸事未嘗以孤寡惜費焉天順年間事聞旌表

謝定妻王氏

保山人王全修女天順間定任四川開縣尹僑寓久不歸父母

皆八十餘王躬績紡以養之及病篤躬拭污穢翁辭之曰有天日在及卒惟一小室鬻五金以葬人勸往求其夫曰彼不吾顧矣遂空乏以終

朱鑑妻徐氏

永昌人徐珍天女年二十夫卒五月生遺腹子豫初鑑娶王氏

生子五歲而王氏卒至是徐誓死守志績紡以養舅姑撫育幼子年七十三卒

吳璽妻張氏

騰越張洪烈之女年十七歸璽踰年璽卒張執節無二教子有

成天順間事聞旌表

胡來觀妻陸氏

保山人陸雲成女年二十一而寡守志七十年成化六年直指

雲南通志

卷之二十三

列女

三

疏聞旌表

張晟妻鄭氏

鄭文元女晟騰越諸生故鄭年二十一矢志守節撫其子邦教

弘治中舉於鄉壽八十而卒

閃訓妻馬氏

永昌人馬奇玉女年十六適訓四年訓卒遺孤玘甫三歲瑀甫

二月父母欲奪其志誓節不從事舅姑撫二子年七十四終

梁毅女

永昌衛人年十六一日父母俱出外梁獨居有俠少往挑梁大怒逐之泣

訴於其母遂自縊正德六年事

常應學妻梁氏

梁為棟女騰衝人年十八歸應學六閱月應學卒梁拊膺痛哭

隨自縊死有入哀之

陸 緒妻王氏

緒騰衝學生早卒氏守節每當令節輒哭不已隣里聞其聲咸

為傷惻歷三十餘年卒

朱正學妻張氏

保山人張新宇之女其姑病篤醫藥無效姑亦自死張拭穢

而嘗之以慰姑曰醫言無害也姑聞之喜病遂愈

楊 椿妻張氏

張偉之女椿嘉靖間舉人未仕故父母垂白子幼家貧張年二

十五匍匐供俯仰每舉饑死不失節之語以拒不諒已者歷四十餘年勸三喪哀慟成病

六十四歲而終

潘承志妻邵氏

邵應魁女承志永昌庠生嘉靖間隨父任歿於桃源邵年二十

三二子方稚邵自甘荼苦撫孤兒竟夜績紡以佐紙墨一時三喪並集勤劬勸墓訓子允

雲南通志

卷之二十三

列女

三十四

孚補弟子員孫一柱登甲科官御史守節五十三年

袁必通妻張氏

保山人張信安女必通故張年二十九有子熙亦卒遺二孫其一

一四歲其一生五月媳陳氏節行如其姑張守節五十餘年陳亦守節四十餘年

趙 璿妻鄭氏

保山人趙高嘉女年二十五夫故娶姑在堂幼子在襁日事女

紅以養姑族人勸改節鄭剪髮自矢歷五十年壽終

蔣希賢妻袁氏

永昌府人袁高之女賢故氏年二十二無子止二女痛夫幾絕

或欲奪其志袁誓曰生飲蔣家水死葬蔣家墳遂為生壙蔬食布衣率二女辟纊供食歷

四十二年壽六十四終

劉 儀妻李氏

保山人李元嘉之女儀卒李年二十四歲無子而貧苦節不移

鄉人欲上其事辭曰夫亡守志禮也何足異卒年七十八族人憐而葬之

劉傑妻毛氏

永昌人毛文華之女傑由貢生任湖廣枝江學諭服闋謁選至

真定病大作毛百計救之刺血疏神竟不起泣訴於巡撫得郵符徒步與幼子麒扶柩歸艱窘益甚喪夫時毛甫二十六卒年五十四後子麒中嘉靖年間鄉試

閃應華妻穆氏

永昌人穆斌女夫早逝穆年十九一子方襁褓翁姑俱老氏拮

据紡績至夜分聞雞而起以供朝夕如此者四十年

瞿爵妻朱氏

永昌人朱國禎之女爵為諸生故朱年二十三無子攻苦食貧

養其姑舅不從更嫁之命嘉靖年間巡按御史劉涇以閨樹坊旌表

趙萬善妻陳氏

善騰越諸生病時陳多方調治不愈及歿自縊家人急解救得

雲南通志

卷之二十三

列女

三五

不死其姑嚴防之計不獲施割耳以見其志督學使屢獎之

岳松妻陳氏

騰越人陳洪才之女早寡矢志不移養姑教子嘉靖年間臺使

旌異之匾曰貞節

陳大道妻汪氏

騰越人汪潭清女年二十二夫卒撫孤守節終始一致

楊啟升妻李氏

騰越人李華女啟升以庠生應試疾卒李年二十一歲守節教

子二十餘年人無間言

鄧文逾妻黃氏

騰衝衛人適文逾年餘而文逾卒婦始母子相依為命者五十

餘年竟以壽終

陳溥妻趙氏

易原鼎妻龍氏

李

達妻

席氏俱永昌人皆因夫早逝守節撫孤成立年分失傳

俞富妻阮氏 俞祥妻黃氏俞本合肥人明初籍金齒從征

安南兄弟俱戰死阮年二十黃年十九俱誓死無他學士汪諧名其堂曰貞節傳芳年分失傳

吳氏二女長曰貞烈次曰貞潔其父指揮吳貴本繁昌人貴卒子經綸繼卒無嗣二

女憫其絕世間關走闕下哀求得移檄繁昌取吳雄者嗣之二女竟誓守女節以終後合葬於廓外題其墓曰吳氏二貞年分失傳

戈諫妾韓氏無錫人年十七諫判永昌納為妾後官僉事卒韓守節自誓或

憐其少欲奪之韓自縊於私室分巡僉事安如山檄郡縣旌其門年分失傳

雲南通志 卷之二十三 列女 三六

張本妻胡氏永平禦人年二十八而本亡氏六十餘年守節不二妾陳氏與

嫡同志御史林應箕將其雙節年分失傳

陳大猷妻馮氏保山人猷故馮年二十五翁姑垂老賴以有終撫孤侄如已子

其父欲更嫁誓死不從以節終

孔宗明妻劉氏永昌人年二十三而寡紡績養翁姑茹貧撫子年分失傳

王重光妻段氏夫死守節事舅姑鬻產營葬教子力學夜分不寐屢經表揚祀

節婦祠

楊廷詔妻謝氏二十守寡無嗣矢志養姑克盡婦道鄉隣僉舉年七十終

丁烈妻張氏年十八夫故遺腹三月家貧守節不嫁生子丁盛虞教育成人

奉旨旌其門曰茹荼守節享年八十有吳氏者一同旌獎未註實行

吳承祚妻賡氏 夫死無嗣守節不嫁以女工自給歷五十五年始終不二

楚雄府

明

楊循正妻趙氏 廣通人年十八夫卒誓不他適課家人耕織自養三十餘年卒

嘉靖二十五年知縣吳習加表其墓

蘇蘭妻董氏 廣通人夫為諸生卒氏年二十六撫二幼子事其姑嘉靖丁亥

年鳳山之變負姑遠避免難壽七十五而卒

滕秀宗妻金氏 定遠人年二十夫卒誓不二志撫二孤年踰八十而終嘉靖四

雲南通志

卷之二十三

列女

三

十五年旌表

包遇景女包氏 定遠人未許聘值鐵索箐寇劫掠執之女誓不受辱遂為賊所

殺隆慶六年知縣王廷爵聞於院道表其墓

俞汝諧妻仇氏 楚雄縣人諧為諸生卒仇年二十四欲自縊殉之賴戚屬防救

不死攻苦茹淡窮年閉戶惟一老婢相依雖母戚罕見其面孀居五十三年萬曆三十年

巡撫御史聞於朝旌表其門

邵敏妻戴氏 鎮南人十八夫亡守節至七十終萬曆二十八年院司旌獎

張大志妻謝氏 楚雄縣人氏年二十五歲守節冰霜自矢內外咸稱萬曆三十

三年院道具題建坊旌表

施宏猷母蘇氏 楚雄縣人蘇年十九守節翁姑憐其幼勸之嫁輒痛哭流涕誓

以死存孤襁褓撫育成名萬曆三十七年院道具題奉旨旌表夫名失傳

丁 雄妻趙氏 楚雄縣人年二十五歲喪夫孀居教子五十年萬曆三十七年

院道具題旌獎

丁大受妻羅氏 楚雄縣人年二十八歲守節至八十七歲壽終萬曆三十五年

巡按賜粟旌獎

吳東岫妻謝氏 楚雄縣人年二十九歲孀居苦節歷四十五年撫育諸孤咸有

成立萬曆三十四年巡按旌獎

謝應舉妻陳氏 楚雄縣人年二十七歲喪夫苦守四十五年萬曆三十四年巡

雲南通志 卷之三十三 列女 三

按旌表

王定邦妻孫氏 楚雄縣人年二十九歲守節治家嚴肅日以忠孝節義訓迪

子承寵承憲俱死國難氏八十歲卒萬曆四十年公舉旌表

陳世武妻童氏 楚雄縣人年三十歲守節至七十歲萬曆四十年道府旌表其

門曰節壽

喬惟嵩妻安氏 楚雄縣人年二十六歲夫死守節四十八年萬曆四十一年巡撫

旌獎

楊 淮妻陳氏 南安人年二十二歲夫卒守節廿貧教子不出閨門四十餘年卒

萬曆間撫按旌將大

戎 璵妻伍氏

楚雄縣人年二十七寡居六十餘年八十八卒

張時詔妻仇氏

楚雄縣人年十六歸張二年夫卒生子取光彌月撫之至於成

立萬曆四十四年巡撫旌獎

衛 宜妻揣氏

鎮南人衛死於戍揣年二十三寡居八十歲卒

周 瑀妻徐氏

鎮南人年二十五守節至七十五歲壽終萬曆四十七年道府

旌獎

裴 泰妻陳氏

楚雄縣人泰為百戶卒氏年十九苦節訓子應章襲職族人逼

嫁以死自誓事翁姑終如其始誨二孫一居官一廩庠壽八十而終

王 海妻錢氏

定遠人年二十八夫亡守節撫子友義為廩生歷四十餘年卒

雲南通志

卷之二十三

列女

三

萬曆間撫按旌獎

周國禎妻張氏

定遠人年二十禎踰垣厥死張舐其血情極哀慟踰三旬自縊

從而從

周孔徒妻孟氏

年三十夫故守節四十年次子昌祚明末進士具題奉旨建坊

旌表

周如盤妻陸氏

夫故年方十五悲涕不已願以身殉至夜即死於屍側昌祚同

母事自陳共建坊表揚

孟宗聖妻溫氏

定遠人夫卒守節年二十餘事姑最孝教子有方其子知性登

選貢以母老不仕色養終身天啓間院道旌獎壽至百歲卒

何本洪妻李氏

黑鹽井人年二十二夫故遺腹生光祖撫育娶媳李氏年二十

陳士心妻東氏

定遠人年二十六夫為諸生值翁吉甫遭病禱神願以身代疾益篤割左臂進之翁疾果愈後夫有疾復割右臂以進救之亦愈凡食味必先誠敬奉翁以及夫子育榆為諸生天啟元年院道旌獎

李銓妻楊氏

楚雄縣人年二十六寡居時翁姑老子年幼拮据孝養殯葬兩喪皆不違禮

羅綱妻李氏

楚雄縣人年二十九夫卒子幼而卒天啟三年院道旌獎

雲南通志

卷之二十三

列女

四

陶濂妻梁氏

南安人濂鄉薦第一卒時家如懸磬子幼無依梁苦志甘貧守節教子以壽終

何景妻馬氏

廣通人年三十夫卒守節壽九十而終天啟六年院道旌獎

段熙妻陳氏

鎮南人年二十孀居守節至七十八歲終天啟二年院道旌獎

張延年妻潘氏

楚雄縣人年二十四夫故子洪烈四歲守節六十一年洪烈官至四川行都司都指揮使天啟初覃恩晉上柱國光祿大夫封母二品夫人奉旨旌表年八十五母節子孝一時人相傳為美談

鞠以和妻楊氏

楚雄縣人年二十三守節至九十二壽終六十九年如一日撫侄生孫七人闔門公舉貞節天啟元年院道旌表

楊世恩妻常氏

廣通人崇禎五年野賊破城焚屋氏不受辱入烈焰中死奉文

旌獎

徐光鼎妻萬氏

廣通人崇禎五年野賊破城氏不受辱跳入深池公舉通詳奉

旌批獎

楊伯堅妻李氏

黑鹽井人生男琳甫三歲夫故苦節三十年崇禎六年道府旌

獎

姚汝諧妻謝氏

楚雄縣人汝諧為舉人卒無子氏苦節三十餘年志操清潔崇

禎八年巡按旌獎

徐承惠妻王氏

楚雄縣人二十六夫故翁姑老子女穉氏誓死靡他竭力孝養

雲南通志

卷之二十三

列女

聖

姑病年餘氏衣不解帶親嘗藥餌姑故瘠羸皆氏拮据辦之矢志四十四年有子國琦克

孝崇禎十一年當道旌表

王象乾妻卜氏

楚雄縣人夫死守孀四十餘年確遵夫命撫育三子崇禎十五

年巡按旌表

姚安府

明

高惠妻譚氏

姚州人譚世傑之女夫早卒守節終身成化元年有司申詳旌

獎

陳友忠妻魯氏

金陵人魯元之女隨父戍於姚安所年十七適友忠生子甫三

歲友忠戰死於交阯氏年二十人勸再適以死自誓孀居六十餘年成化三年間詳請旌獎

劉濟妻胡氏姚安所人成化間濟卒無子異議者不能奪其志以壽終有司旌之

靳志妻趙氏姚安所人趙世爵之女生子七歲夫死守義及子又卒撫其幼孫弘治元年知府陳綬旌之

張震妻王氏白鹽井人王有成之女年二十夫卒撫弱子世崇成立娶婦李氏後世崇亦卒姑婦相依俱不變節嘉靖五年提舉徐璣以雙節表其門

王經妻張氏大姚人張漢科之女經為諸生早喪生子鳴鳳三歲舅姑在堂

雲南通志

卷之二十三

列女

聖

生事寥落氏處之晏然鳴鳳後以慈訓歷官知縣清節自持人莫不賢其母弘治元年巡按御史楊銓作栢舟堂記以紀之侍郎彭黠贈以詩曰半生忍死為兒忙看得兒成髮已霜影對青烟寒共守味分黃栢苦同嘗節堅本是筠為性蓬直也因麻在傍慢說栢舟當日事古媛節義不惟姜

施經綸妻張氏中屯所人張栢齋之女夫歿於官臨訣托以養父母氏扶櫬歸或強再適泣謝曰吾翁姑老矣違夫重託何以見夫地下誓死靡他逾二十年卒而奉旌獎

徐淮妻龔氏姚州人淮為諸生早喪氏甘苦守節四十餘年課二子皆入學萬曆四年有司申詳旌獎

蔡銓妻張氏 姚安所人張有成之女喪夫守七歲子終其身萬曆八年院司

旌獎

徐化妻陳氏 姚安人陳太元之女化歲貢廷試歸卒子體震幼氏甚貧訓子

誓不他適後子丙午鄉薦萬曆三十二年奏聞旌表八旬而終

高守臣妻陳氏 姚州人年二十六夫卒守節訓子有成稱醇厚篤學焉奉文旌

日霜雪之操金石之節教子有方內外貞白

郭之瑜妻何氏 姚安人年二十五守節訓子崇禎十三年兩院旌之

鶴慶府

明

雲南通志

卷之三十三

列女

三

許喬遷妻樊氏 郡人喬遷卒於京樊年十八舅姑欲奪其志刺目割鼻憤怒成

疾六十而卒知府以詩輓之年分失傳

李醜妻李氏 郡人年二十三夫卒一子懷抱一子遺腹後皆卒氏不易其操

居五十餘年卒當事者旌之年分失傳

楊從宜妻李氏 郡人從宜為諸生疾篤以父母幼子囑之李遵遺命守貞當道

表揚年分失傳

段廷實妻尹氏 劍川人夫以鄉舉卒於京尹年二十八無子以死自誓孀居三

十餘年卒直指旌之年分失傳

劉旌妻張氏 郡人旌為諸生卒張年二十三有遺腹斷髮殉夫四十餘年如

一日馬年
分失傳

徐文宗妻張氏

劍川人宗為諸生卒張年二十
二遺腹生一子崑勉為宗嗣計

矢志不二壽七
十四年分失傳

羅雲鳳妻段氏

劍川人雲鳳卒段年二十六無
子自守父母不能奪其志年分

失傳

李樂道妻楊氏

劍川人樂道為諸生事繼母孝
楊事繼姑如其夫道疾篤楊籲

呼求代及卒哀葬隨
縊死以從年分失傳

楊嗣光妻阮氏

郡人年二十二明末隨夫任陽
宗因兵亂回鶴至洱海亂兵四

至度不能脫往依所親避石洞中為
兵所獲氏激烈不受辱奪刀自刎

雲南通志

卷之三十三

列女

四

順寧府

明

猛 繼妻易朶

猛

朋妻易喬

順寧府人俱
以相夫成功

西平侯上其勳皆
贈恭人年分失傳

奉 祿妻猛氏

順寧人土司猛雍女適大候土
官奉祿雍惑於後妻欲使改嫁

土舍奉誥會猛氏歸寧誥以木邦兵攻大候
掠奉祿氏素衣獨居一樓憂憤雍諷其服飾

之陋女曰夫存亡未可知欲與俱死何心改
服乎雍因約奉誥將逼之氏佩刀自防數月

乃餌以毒氏恨不見夫畱緬書一紙詞氣甚
悲巡撫王啟命有司遣官祭奠且為之贊曰

牝雞悍兒女怨猛虎亂夫家散嗟嗟何日見
夫面君不見蔡家姬雍家先血濺又不見劉

家母王家翻受禪吁嗟女兮豈不欲效雙飛燕破鏡難成片一紙緬書流血撰黃泉路上見夫百年分失傳

猛 卿妻陶氏

雲州人夫死時陶年三十六哀毀欲絕救而獲免教子成立節

操凜然年分失傳

勇婦夜梅

順寧人熨婦也木邦侵境兵勢大熾郡中男子與之敵者皆北婦手持尺

劍敗其黨百十餘騎自是木邦兵不敢犯父名年分失傳

蒙化府

明

董朝儀妻羅氏

蒙化人父彥才朝儀卒羅年二十七遺子應元羅紡績教子成

雲南通志

卷之二十三

列女

名清潔無玷正統間通判匾其門曰百年完節

趙奴宣妻楊氏

蒙化人父泰奴宣蚤歿楊不以貧家婦闕菽水於舅姑年六十

所司嘉之

左 綱妻張氏

蒙化人父克寬綱任蒙化府土知府生子琳琅綱隨卒氏肅清

內政潛彌外侮勵志冰霜始終如一二子相繼承襲成化三年奉旨建坊旌表

唐 齡妻胡氏

蒙化人父泰運齡以百戶病故氏年二十遺腹七月生子政撫

孤承先勵志冰雪成化間有司旌之

左明理妻張氏

蒙化人張治女明理為諸生卒張守節撫孤三十餘年成化間

有司旌之

劉崇學妻陳氏 蒙化人陳治道女夫死氏孝姑育子操履端方矢志栢舟內外

無間弘治六年有司旌之

馮士傑妻詹氏 蒙化人弘治間夫卒家貧守節終身無玷鄉黨敬之

官 愍妻雷氏 蒙化人父震愍正德與午舉人蚤卒氏年幼生子慶霓撫育教

誨後任訓導全節終身

楊 謙妻薛氏 蒙化人父維忠夫死守節教子楊剛成名嘉靖間提學匾曰孝

節巡按賜金嘉之

景東府

明

雲南通志

卷之二十三

列女 四六

阿 曩 知府陶瓚之祖母正統間麓川叛寇壓境阿曩訓飭孫瓚率眾禦之斬馘無算

賊悉逃總兵上其勦封太淑人褒賜甚厚

劉 藻妻陳氏 藻卒陳氏幼能以節守終

麗江府

明

木 氏藥師能 土知府木森女適通安州土州同高長年甫二十夫喪撫孤成

立五十四年靡慝之矢一洗彝陋

羅 氏 土官知府木青妻歸青十年青卧病竭力調治卒不起方在憫凶適有蕃寇慨

然曰彼以我新遭喪子在襁褓婦人無能為耳乃親擐甲躍馬先士卒一鼓克敵邊鄙以

寧事姑盡孝教子以忠勤稱誥封太恭
人年五十一而終 參藩謝肇淛紀其事

雲南通志

卷之二十三

列女

四七

